

Kvar stad med respekt for seg sjølv har sitt preg  
og dertil ein del originalar (må vite!),  
det er desse grannar som vel sine steg  
på tvers av kva andre befalar.

Og Prikken har gitt dei eit folkeleg pass,  
sjølv fekk han sitt utnamn med frekner på plass,  
han samla seg ordspel om stader og folk,  
og fotball og anna slags verksemd.

Det er slikt som gir oss fargar!  
Kvar på veggen gir oss fargar!  
Og regnbogen gøymer ein skatt ...

På A-laget\* hadde dei Manken i mål,  
på backplass Pedellen og Kvepsen (må vite!),  
på midtbana sto dei med plan og med stål,  
Kolomen og Pøkjen og Fuglen,  
på topp herja Dikken og ute på ving  
flaug kjappe Eleven og Toti ikring,  
så Stolpen og Dillinger, dertil på benk  
sat Basken og Nikken og Greven.

Det er slikt som gir oss fargar!  
Kvar på veggen gir oss fargar!  
Og regnbogen gøymer ein skatt ...

\* Eids A-lag i 1933

På heimevernsøving ba mange seg fri,  
det er då så mangt no for tida (må vite!),  
han Kreisten sku` sparke på plass nummer ti  
og Bollen sku` flaggfly på sida.  
Og sjefen fann fotballen jamstilt med drill,  
men var vel kan hende ein smule for snill  
då prosten sku` køyre prostinna si til  
eit prostituerande møte.

Det er slikt som gir oss fargar!  
Kvar på veggen gir oss fargar!  
Og regnbogen gøymer ein skatt ...

Her finnast så mange slags stader på jord  
med nemning i leikne valørrar (må vite!),  
og vi som er busett ved finne og fjord  
har alt kva ein tanke forførrar.

Så takk då til Prinsen og Nappe og Sjur  
og Kalven og Knotten og Musa (på lur)  
og Titten og Trippen og doktoren Glad  
og alle dei andre vi minnst.

Det er slikt som gir oss fargar!  
Kvar på veggen gir oss fargar!  
Og regnbogen gøymer ein skatt ...



Prikken dokumenterer at folk flest  
hadde kallenavn. Sjølv fekk han  
sitt fordi han hadde frekner. Han  
skal ha sagt: «Med ei frekne til,  
ville eg vore brun.»